

Alarmantno: Hiljade bošnjačkih imanja RS-e proglasiti svojim!?

19/10/2009 11:49 by Administrator

RS će nam reći: za ovu godinu niste platili toliko poreza i uzimamo vam komad zemlje. I tako dok nam ne uzme sve, kaže Lutvo ukalo. Niz nejasnoća, ali i ozbiljnih opasnosti i dalje prati proces prijavljivanja imovine pred početak primjene novog zakona o porezu na nepokretnosti u RS. Dok novi namet jedni podržavaju, drugi ga vide kao instrument za realizaciju posljednjeg čina etničkog čišćenja manjeg bh. entiteta.

Pogledali u katastar

Porodica Mulahasanović u mjesnoj zajednici Miljevina posjeduje oko 500 dunuma zemljišta i čume. Ismet Mulahasanović kaže da mu nije jasno zašto se vrši novi popis ako u katastru postoje svi podaci o vlasnicima.

- Ima porodica koje su totalno zbrisane, uništene, gdje nema nikog od nasljednika. Evo primjera: Zaim Mulahuseinović, njemu je uništena čitava porodica. Ostala mu je kuća s parcelom od dva-tri dunuma i stan u Miljevini. Najvjerovatnije će to RS proglasiti svojom imovinom, jer je niko neće tražiti. Takvih primjera ima na hiljade - kaže nam Mulahasanović.

Inače, svi vlasnici nekretnina na području RS dužni su podnijeti zahtjev za njihov upis u registar, a onima koji to ne urade prijete novčane kazne. Rok za podnošenje prijave proširen je do 31. marta 2010. godine, a primjena zakona počinje 1. januara 2011.

- Suština je da je nekome palo na pamet, a vjerujem da iza toga stoji politička pozadina, da napravi scenario po kojem će se Bošnjacima uzeti imovina. Problem RS je taj da se, iako je entitet etnički očišćen od Bošnjaka, vratio se simboličan broj ljudi, sada pogledalo u katastar i vidjelo da većina bošnjačke zemlje nije prodana. Konkretno u Foči to je u gruntu većinski bošnjačko vlasništvo - kaže za "Avaz" Lutvo ukalo, predsjedavajući Skupštine opštine (SO) Foča i nastavlja:

Sudski nalog

- RS će nam fino reći: za ovu godinu niste platili toliko poreza i uzimamo vam komad zemlje. I tako dok nam ne uzme sve. Taj mehanizam ne postoji u zakonu, ali je logično da će vam, ako niste u stanju platiti obaveze, sud naložiti da to uradite. Ako ne možete on će vam prodati zemlju ili kuću - pojašnjava ukalo.

S druge strane, predsjedavajući SO Višegrad Bilal Memićević podržava uvođenje poreza, jer se na taj način, kako smatra, jača država.

- Predstavnici Bošnjaka moraju se izboriti da procjena ne bude po kategorizaciji parcela od prije rata, jer ono što je prije 15 godina bila njiva danas ne znamo šta je. Zalagat ćemo se da procjena bude realna i mislim da na to niko neće imati primjedbi - kaže Memićević.

Zašto političari čute

Nakon uspostavljanja registra nekretnina, Porezna uprava RS izvršit će njenu procjenu, a opštine na čijem se

BLUSRCU.BA - Stranica za sve banjalučane sirom svijeta!

<http://blusrcu.ba>

području imovina nalazi odrediti stopu poreza koja se kreće od 0,05 do 0,5 posto od njene vrijednosti. Od plaćanja su oslobođeni vlasnici obrađenog zemljišta i objekata koje koriste za poljoprivrednu proizvodnju, a nije teško dokazati da u tu kategoriju nikako ne spadaju stariji povratnici i desetine hiljada onih koji se još nisu vratili svojim kućama u RS.

- Interesantno je da niko od političara u BiH o ovome nije progovorio. Nas s lokalnog nivoa dalje od Trebevića niko ne čuje - ogorčen je čak i on.

Autor: A. BAJRAMOVIĆ

Izvor vijesti: Dnevni Avaz